

Baahi ba Bofula ba una molemo porojekeng



Letona la tsa temo le ntlafatso ya mahae, Oupa Khoabane

...mmuso o tsetela di miliyone ho ntlafatsa baahi

Ka Mohlophisi

ThabaNchu -Baahi ba Bofula

mahaeng a Thabanchu ba phela haholo ka temo mme ha jwale batlo una molemo ka porojeke

eo mmuso o ba matlafaeditseng yona ya ho kuta dikgutshwane (dinku) mme batlo rekisa boya matjhabeng le ka hara motse molemong wa ho e tsa kgwele (wool).

Mmuso ketapeleng ya lefapha la tsa temo le tsa ntlafatso ya metse o tsetetse di miliyone tse pedi feyelwane hlano (R2,5 million) porojekeng ena e tlo thusa barui ba dikgutshwane ba tlasa Bofula Trust Sheep Thaba-Nchu.

Porojeke ena e tlo thusa baahi ba tikelohlo ena ho fumana mesebetsi bakeng sa batho ba tlang ho kuta mme menyetla e akga ho theha dikwebo tsa phano ya kgwele le ho etsa dipah'o tse akgang dijeresi e se e butswa.

Mme letona la tsa temo le tsa ntlafatso ya metse Oupa Khoabane o ile a bula porojeke e na semolao mafelong a fetileng a beke mme yena ore mmuso o atamela setjhaba ka ho ba thusa ho ntlafatsa dikgutshwane tsa bona e le mokgwa o mong wa ho iphedisa.

Ha a tswela pele Khoabane ore: "porojeke ena e tla thusa malapa a mangata a tikelohlo ena. Hoba, baahi ba bangata tikelohong ena ba phela ka dikgutshwane."

O re ba nkang karolo kgwebong ya wool le bona batla una molemo mona. Khoabane o re malapa a mangata a tlo fetoha, mme katleho e tla bonahala e le sona sesosa sa porojeke ena.

Hara ba bangata ho boleletswa bahwebi ba dikgutshwane ba leshome ho hlokomela mehlape ya bona. Lefapha la tsa temo le ntlafatso ya metse le ba tshwarisaneng ngatana le bona batlo fana ka thupello le tshetso ho baahi, mme le thepa ya tshetso e tla abelwa baahi.

Ditopo tse tharo tsa diroto di tholwa morafong wa Haremone

**.....bafu ba fumanwe
ba ngotswe mabitso a
bona**

Ka Mohlophisi

Welkom-Menyenetsi e ipetsang sebakeng sa merafo ya kgauta Welkom moo barafi ba seng molaong (diroto) ba rafang tlasa mpa ya lefatshe mekoteng e seng e kwetswe, ere, ntwana ya merabe e jele setsi ka mekoteng.

Ho utlwahala ha melata ya naha ya Lesotho le ya Zimbabwe e lwantshana ka moo ba tseka dibaka tsa ho rafa kgauta.

Labobedi la di 5 tsa Phupu 2016 sepolesa se fumane ditopo tsa diroto tse tharo tseo ho neng ho ngotswe mabitso a tsona motho ka mong.

Ho latela tlaleho ka mmuelli wa sepolesa Stephen Thakeng, dipatlisiso di bontshitse ha bafu e le melata ya naheng ya Lesotho seterekeng sa thabatsaka. Boraro bona bo shwellese hona tlasa mpa ya lefatshe. Pelaelo ke hore ntwana di qhomme ka moo mme menyenetsi e ipetsang ke ya hore hona le ditopo tse ding hape tse ka bang mashome a mararo hona ka mekoteng.

Ditopo tsona di fumanwe mekoteng wa Bambanani Haremone, mme pelaelo ke hore ba bang ba diroto ke bona ba di nyollotseng ho tswa ka mekoteng ba nto ngola mabitso a bafu mme ba nyamela sebakeng seo.

Thakeng ore: "ha re fihla sebakeng sena sa ketsahalo



Sepolesa se fumane ditopo tsa diroto morafong wa Haremone

re fumane ditopo tsona di na le mabitso ho tsona ke ha re tla kgona ho batlisisa mme diphuputso tsa fela tsa netefatsa hore bafu ke banna ba hlahang naheng ya Lesotho seterekeng sa Thabatsaka."

Empa a tswelapele a re taba ya hore hona le ditopo tse ding hape tse mashome a mararo ka mekoteng, sepolesa ha sena bonnete ba taba ena empa e le mabarebare feela.

"Re utlwile hore batho bana ba rafang ntle le molao ba batlile di polasetiki tse mashome a mararo mme eka di se di theohetse tlase mpeng ya lefatshe, empa re tla netefatsa ha feela ditopo tseo di se di tlisitswe ka hodimo jwalo ka tsena," ho rialo Thakeng.

Bookamedi ba morafu wa Haremone bo belaela ha bafu ba bolauwe ke ho hema mosi o matla o i leng wa thopothela mekoteng moo baneng bale hona teng. Ba bontsha hape hore ba tshwenyehile haholo ke barafi bana baseng molaong.

Sepolesa se butse nyewe mme dipatlisiso di tswelapele.

PALO YA BUKA

Motsotuwana Ka Mathene Mahanke

"Ke i kgethela bophelo!"

"Lerole le roleng"

...Ka mehla ha a bona Tshwanelo ho na le ntho e batlang ho mmusetsa morao.

Tshwanelo le yena o ntse a le hakaalo. O ntse a batla motswalle wa hae ka lekunutu, empa ha ho le mohlala feela. Le hona diloring o ile a ya ka morero wa hore mohlomong a ka tshoha

a utlwela. O fumane ho ntse ho tshwana le maoba.

Di ntse di tswa, di kena. Meqoqo e ntse e le yona e hohelang, mme nama e ntse e beswa. Tjhelete le yona e ntse e le teng ho ba e batlang. A Ikagela ka setotswana ngwanana ya jwalo, le ha yena a ne a orohela hae, a sa tsamaye le makoloi a yang moo a

sa tsebeng. Le sekolo a lebala ka sona. O se Isa kae a etsa tjhelete?

Kgabareng ntho tsa fetohela Tshwanelo hoja a di tseba. Mmele wa hae wa qala ho mo makatsa. Mohla a sa tsohellang diloring o tla robala letshehare lohle, a ipotsa hore hantlentle ho etsahalang ka yena. Mohlomong ngaka yona

e ka ka ya mo hlosetsa se mojang. Ka le leng a fapana le ho ya mosebetsing; a leba ngakeng. O kgutlile a kula ho feta ha a ne a eya. Hlooho e duma; pelo e uba; dipotsa e le letooto; a bile a tsamaya a ikomanya hore na o ne a ntse a ilo etsang moo ngakeng. Le ha ho le jwalo o tla ke a ye ho e nngwe; mohlomong ena e

ntse e ipotela feela. Mohopolo oo wa ka wa kokobatsa maikutlo ana a mo bakelang letswalo ha a dutse le ha a robetse. Ka le hlahlamang a tsohella ho e nngwe ngaka. Karabo ya nna ya tshwana: Kgwedi di se kae Tshwanelo o tla be a sikere leseanyana leo a sa tsebeng ntata lona. O tla mo tsebella kae tjhifi di ntshana?